

Yùwanì

andí ɔɔ rí kisě nǐ bhàruwà

Yàrí bhàruwà ò ì nòtù ádròdrò dhu tí dhu

Ɖɔɔ rí kisě nǐ Yùwanì andí bhàruwà nandí ale nitè ndì « mùkùrù » tí. Dhu àla ndì kà rārī mbèmbè Yèsù Krístò bhà uvitatále Yùwanì. Pbéttù, kòrù ɔɔna òru tí. Ka kirè nga Yèsù Krístò bhà Ídzi Màkùrù rǎ òmvù-okú dò rò kà rarù ka.

Kándí ndì bhàruwà « Kàgàwà óvò tsibhále » tí ka kátina tsibhále tò. Obhó tí, wò dhu ní kànìsà-ɔɔ t'óruta tó atdí ɔfò. Kà rǐ pbàkrístò àkà 'òzè 'òzè tí nzínziya ǎ dhu òɔ abádhí tò. Kǎvò dhu átò abádhí tò, ndàti abádhí rākǎ 'òkò pòtsó fɔyó a'uta ǎ, 'àdù 'òdò mbéyi vurò dhu ùdhé rí Yèsù Krístò bhà Ídzi Màkùrù rǎ rò ale rǎ rò.

Bhàruwà-nyitì ka kòhù tí dhu

- Bhàruwà-dòkpa (1-3).
- Dhu àkǎ kokò obhóngà ǎ dhu, kozè ale òzè tí ale nzínzi ǎ dhu, kadù tìtò tó màlímó rùdhèna dhu àsà àsa tí dhu (4-11).
- Bhàruwà rǐku dóná rò ovità (12-13).

Yùwanì rǐ indrù nóvi dhu

1 ¹Ima, Mùkùrù-akpa tírò, ma màndí dhu fùkù Iyá, yà Kàgàwà óvò nyí rò, pbùkù inzo yà obhóngà dǎ ma mózè mànà. Ìnzí ní ima kèlè ndì nyí ma mózè, pbéttù, obhóngà nùni ale kóró nózè nyí átò. ²Ma mózè nyí yà àlè-afí ò aríí obhóngà-okú dò rò. Ndirò, ndì obhóngà rǐngò àdì àlè-afí ò bilínganà. ³Àba Kàgàwà mà, Idhùnà Yèsù Krístò mànà, náká 'àso àlè'i, 'àbà izu àlè dǎ, 'àdù àlè àbhu àlè ròkò màrùngà ǎ, obhóngà mà àzè mànà ǎ.

Obhóngà mà àzè mànà

(Yùw 13.34-35; 1Yù 2.18-23; 4.1-16; 5.1-3)

⁴Idhèdu íka ndì atdí dǎ atdí dhená pbùkù inzo ma mótù obhóngà ǎ aróko, àdhàdhì yà àlè t'Àbanà Kàgàwà nùuyá ka àlè tò dhu bhèyi rò. ⁵Nírò íyàdú, kòmbí ma mònzi dhu ní àlè ròzè àlè àlè nzínzi ǎ. Yà ma màndí indù dhu ní nzí Uyátá-ɔwútá. Pbéttù, ndì Uyátá ní yà dóna-kpa ò

rò àlě kabà. ⁶Ndirò, kànì àzè tí ka kátina dhu : ndi dhu ní, kubhi Kàgàwà bhà Ùyátá nónzi ka dhu bhěyi. Ndirò wò ndi dònna-kpa ò rò nyí nyabà Ùyátá ní, nyí rākă nyòkò àzè ð. ⁷Obhó tí, ùtrátá tó ábhò ale nyú nápfòlò wà ì yà adzi ð. Abádhí á'ù nzá dhu, Yèsù Krístò rírà yà adzi ð ale-ngbò tó ófò ð. Wò ndi dhu ònzi arí ale ní ùtrátába, ndirò ka ní « *Krístò bhà òmvù » tí kátina ale. ⁸Nírò, nyòdò nyí mběyi nyí nyú tírò, akye nyí nyowuna yà àlě kanzì kasu tó itse níwi nǐ. Pbétù, nyòdò nyí mběyi, ndíní nyí nyadùya tí àkăkă mùkimbà nábà. ⁹Ndi ale náapé dònna ò dhu nísě yà Krístò udhè dhu dǒ, ní Kàgàwà rǐí mbă ndi ale-afí ò. Pbétù, ndi ale apé Krístò udhè dhu ifǔ, ní Àba Kàgàwà mà, Idhùnà màrà rǐí inè ndi ale-afí ò. ¹⁰Atdí ale náapé ìrà àhu tiku ò, ndàdè ngătsi dhu yà ìnzǐ rí ndàkò Yèsù údhe fǔkù dhu nà núdhe fǔkù, ní nyí nyākă nzá nyākò ndi ale fǔ-dzá, ndirò, nyí nyākă nzá nyívù mùlèmbè mà kà-tsǔ. ¹¹Obhó tí, mùlèmbè nivú kà-tsǔ ale nádù ìí iwà kărónzina nzérenga nònzi átò.

Bhàruwà rǐku dòná rò ovita

¹²Ma mǐí fǔkù ma mándina ábhò dhu nyú nà. Pbétù, ma mòzè nzá mandí i dhu bhàruwà ð fǔkù. Nírò, ma mòzè dhu ní, marà àhu fǔrăbvù, madù dhu òvò fǔkù tsùdu-kpò nyú nǐ, ndíní àlě-idhè náadè tí ndika atdíð. ¹³Yà Kàgàwà óvò awènu bhà inzo^a nóvi nyi átò.

^a 1.13 Awènu bhà inzo tí ka kátina ale ní mbèmbè yàrí bhàruwà nandí ale níí'ì òná kànisa ð ale.